

PWYLLGOR SGRIWTINI PARTNERIAETH AC ADFYWIO

Cofnodion y cyfarfod arbennig a gynhaliwyd ar 17 Mehefin 2013

- PRESENNOL:** Y Cynghorydd Derlwyn Hughes (Cadeirydd)
Y Cynghorydd Alun Wyn Mummery (Is-Gadeirydd)
- Y Cyngorwyr W. T. Hughes, Richard Owain Jones, Dafydd Rhys Thomas a Dylan Rees.
- WRTH LAW:** Cyfarwyddwr Cymuned (GC)
Pennaeth Gwasanaeth (Gwasanaethau Plant)(AH) (yng nghyswllt Eitem 4).
Pennaeth Gwasanaeth (Gwasanaethau Oedolion)(AD) (yng nghyswllt Eitem 5)
Swyddog Gwella Cydweithredu (EW) (yng nghyswllt Eitem 4)
Rheolwr Cynllunio Busnes a Rhaglen (GM) (yng nghyswllt yr eitem ychwanegol).
Rheolwr Sgriwtini (BS)
Swyddog Sgriwtini (GWR)
Swyddog Pwyllgor (MEH)
- YMDDIHEURIADAU:** Y Cyngorwyr Jeffrey M. Evans – Carwyn Jones, Nicola Roberts,
- HEFYD YN BRESENNOL:** Y Cynghorydd Kenneth P. Hughes – Deilydd Portffolio (Tai a Gwasanaethau Cymdeithasol); Prif Weithredwr.

Bwrdd Iechyd Prifysgol Betsi Cadwaladr

Mr. Andrew Jones – Cyfarwyddwr Iechyd Cyhoeddus
Ms Clare Jones – Cyfarwyddwr Cynorthwyol Gofal Sylfaenol a Gwasanaethau Cymunedol;
Ms Cilla Robinson – Cyd Bennaeth Staff: Bwrdd Rhaglen Glinigol Plant a Phobl Ifanc.
Ms Sarah Andrews – Uwch Ymarferydd Iechyd Cyhoeddus, Iechyd Cyhoeddus Cymru
Ms Sonia Thompson – Rheolwr Lleoliad Gwynedd a Môn, Ymddiriedolaeth Ambiwylans Cymru.

1 DATGANIADAU O DDIDDORDEB

Datganodd y Cynghorydd Richard O. Jones ddi-ddordeb oherwydd ei fod yn gweithio i Wasanaeth Ambiwylans Cymru.

2 COFNODION

Cyflwynwyd cofnodion y cyfarfod diwethaf a gynhaliwyd ar 30 Mai 2013.

3 BWRDD IECHYD PRIFYSGOL BETSI CADWALADR

Cafwyd cyflwyniadau gan y cynrychiolwyr o Fwrdd Iechyd Prifysgol Betsi Cadwaladr ar y materion a ganlyn :-

- Diweddariad cyffredinol ar eu rhaglen foderneiddio / trawsnewid, yn cynnwys yr adolygiad cyfredol o Wasanaethau Dwys yng Ngogledd Cymru.
- Iechyd Cyhoeddus – Materion Diogelu Iechyd;

- Diweddariad lleol oedd yn cynnwys cyfeiriad at atal cwmpo, dementia, Gwasanaeth Gofal Uwch Môn, stopio ysmygu ac oedi trosglwyddo gofal.
- Datganiad ar haint a gafwyd mewn Ysbyty, yn ymwneud â'r digwyddiad C.Difficile cyfredol a sefydlu adolygiad allanol.

Dywedodd y Cyfarwyddwr Cymuned bod gweithio ar y cyd yn digwydd rhwng y Bwrdd Iechyd a'r Cyngor a bod angen mwy o gydweithredu ar draws Gogledd Cymru. Cyfeiriodd at y rhaglen ardalol sydd yn rhan integrol o sut y mae'r Cyngor yn darparu gwasanaethau.

Rhoddodd anogaeth bellach i Aelodau'r Pwyllgor yn y cyfnod sydd ar ddod, i ddeall cymhlethdodau'r broses o ddarparu gwasanaeth o fewn gofal cymdeithasol i oedolion o ystyried ei flaenoriaethau a goblygiadau o ran adnoddau. Fel swyddogion roedd am sicrhau'r aelodau y bydd y Pwyllgor yn derbyn gwybodaeth fanwl fel ei fod yn deall cymhlethdodau'r gwasanaeth. Dywedodd bod y gwasanaeth ar hyn o bryd yn gweithio ar y cyd gyda'r Bwrdd Iechyd i weld sut y gellir sicrhau cyd-lywodraethiant i wella gwasanaethau i bobl Ynys Môn; roedd yn cael ei ragweld y bydd adroddiad yn cael ei gyflwyno i'r Cyngor ynglŷn â hynny yn yr Hydref.

Roedd yr Aelodau'n croesawu'r cyflwyniad gan y Bwrdd Iechyd a gan Swyddogion y Cyngor a dywedwyd bod gweithio ar y cyd yn hanfodol er mwyn sicrhau'r gwasanaeth gorau i bobl Môn.

PENDERFYNWYD derbyn yr adroddiad.

4 CYTUNDEB ADRAN 33 AR GYFER GWASANAETH PLANT ARBENIGOL

Cyflwynwyd adroddiad ar y cyd gan Gyngor Sir Ynys Môn a Bwrdd Iechyd Prifysgol Betsi Cadwaladr mewn perthynas â'r uchod.

Dywedodd y Pennaeth Gwasanaeth (Gwasanaethau Plant) a Mrs Cilla Robinson bod bwriad i integreiddio'r casgliad o wasanaethau iechyd a gofal cymdeithasol sydd ar hyn o bryd wedi eu cyd-leoli, yn un gwasanaeth integredig - Gwasanaeth Plant Arbenigol (SCS). Bydd yr SCS yn cyflogi gweithwyr proffesiynol o iechyd a gofal cymdeithasol o dan un strwythur sefydliadol, gyda Rheolwr Gwasanaeth yn rhedeg ac yn rheoli'r gwasanaeth a bydd ganddo strategaeth integredig, set o bolisiau, gweithdrefnau, cyllidebau ac agwedd gydlynus tuag at reoli a hyfforddi staff. Bydd y gwasanaeth yn darparu un pwynt mynediad i ddefnyddwyr i mewn i'r gwasanaeth.

Nodwyd mai partneriaid ffurfiol yw'r SCS rhwng Bwrdd Iechyd Prifysgol Betsi Cadwaladr a Chyngor Sir Ynys Môn. O dan ddarpariaethau Adran 33 Deddf GIG Cymru (2006), bydd y Bwrdd Iechyd yn dirprwyo swyddogaethau yn ymwneud â gofal iechyd i'r Cyngor, a'r Cyngor fydd y darparwr arweiniol ar gyfer y gwasanaeth. Bydd bob partner yn cyfrannu tuag at gostau gweinyddol, costau swyddfa a thuag at gost y Rheolwr Gwasanaeth, byddant yn parhau i fod yn atebol am reoli eu hadnoddau ariannol eu hunain.

Amlygodd y Swyddogion y bydd y Gwasanaeth Plant Arbenigol yn mabwysiadu agwedd strategol dair haen tuag at gynllunio a darparu gwasanaeth. Roedd yr agwedd strategol dair haen hon wedi ei chynnwys yn yr adroddiad.

Dywedodd y Pennaeth Gwasanaeth (Gwasanaethau Plant) bod adain gyfreithiol y Cyngor Sir wedi delio gyda materion cyfreithiol y gwasanaeth integredig arfaethedig a'r Cytundeb Adran 33 a bydd hefyd gyda chyfreithwyr y Bwrdd Iechyd. Bydd yr adroddiad yn cael ei anfon ymlaen i'r cyfarfod nesaf o'r Pwyllgor Gwaith i'w ystyried a bydd argymhellion y Pwyllgor hwn yn cael eu cynnwys yn yr adroddiad.

PENDERFYNWYD derbyn yr adroddiad.

CAMAU GWEITHREDU : Bod y Pennaeth Gwasanaeth (Gwasanaethau Plant) yn adrodd i'r Pwyllgor Gwaith bod y Pwyllgor Sgriwtini Partneriaeth ac Adfywio yn cefnogi'r Gwasanaeth Plant Arbenigol Integredig sengl mewn egwyddor.

5 DIOGELU OEDOLION – TUAG AT FFRAMWAITH STRATEGOL GOGLEDD CYMRU

Cyflwyno – adroddiad gan y Pennaeth Gwasanaeth (Gwasanaethau Oedolion) mewn perthynas â'r uchod.

Dywedodd y Pennaeth Gwasanaeth (Gwasanaethau Oedolion) bod siwrnai wella'r Cyngor yng nghyswllt diogelu oedolion wedi ei chwblhau dros y flwyddyn ddiwethaf a bod cynnydd sylweddol wedi ei wneud ar lefel weithredol a strategol. Wrth symud ymlaen i sefydlu Bwrdd Diogelu Gogledd Orllewin Cymru (Chwefror 2013), roedd y materion/egwyddorion canlynol wedi eu cadarnhau fel rhai fyddai'n sylfaenol i'r fframwaith ddiogelu newydd :-

- Sefydlu Bwrdd yn lle'r Fforwm Diogelu Oedolion gyda mwy o ffocws ar arweiniad;
- Bod mewn sefyllfa well i drafod canlyniadau diogelu strategol gyda phartneriaid;
- Sicrhau adnoddau digonol ar gyfer Bwrdd Diogelu Oedolion effeithiol a gwella canlyniadau;
- Ceisio datblygu model i'r Bwrdd y gellir ei ddatblygu yn fodel rhanbarthol dros y cyfnod sydd i ddod.
- Darganfod yr hyn sy'n gyffredin ymysg partneriaid, herio ffiniau a thybiaethau
- Datblygu cysylltiadau strategol a gweithredol gyda'r fframweithiau diogelu plant
- Sicrhau cyfeiriad clir a chryf.

Bu'r siwrnai ddatblygiadol hon yn gatalydd i ddylanwadu ar y trefniadau rhanbarthol ac roedd 4 opsiwn wedi eu hymchwilio dros y 4 mis diwethaf. Yr opsiwn oedd yn cael ei ffafrio gan yr holl bartneriaid, fel yr oedd yr adroddiad yn manylu arno oedd Bwrdd Diogelu Oedolion Gogledd Cymru 2 haen.

PENDERFYNWYD derbyn yr adroddiad.

GWEITHREDU : Bod y Pennaeth Gwasanaeth (Gwasanaethau Oedolion) yn adrodd i'r Pwyllgor Gwaith bod y Pwyllgor Sgriwtini Partneriaeth ac Adfywio yn argymhell y canlynol :-

- **Nodi datganiadau a chynnydd hyd yn hyn ym maes diogelu oedolion yng Ngogledd Cymru.**
- **Cymeradwyo cyfeiriad strategol Môn a Gwynedd ar gyfer diogelu oedolion fel catalydd i ddylanwadu ar y gwaith o ddatblygu fframweithiau rhanbarthol.**
- **Cadarnhau'r egwyddor bod angen rhoi sylw i'r fframweithiau diogelu plant ac oedolion yn gyfartal ac i beidio gwahaniaethu rhyngddynt o ran eu statws na'u pwysigrwydd.**
- **Cymeradwyo y dylid adolygu'r holl drefniadau cyfredol yng Ngogledd Cymru a chefnogi'r opsiwn a ffafrir - Bwrdd Diogelu Oedolion Gogledd Cymru 2 haen.**

6 ENWEBU AELOD O'R PANEL RHIANT CORFFORAETHOL

Cyflwynwyd – adroddiad gan y Swyddog Sgriwtini yng nghyswllt enwebu Aelod o'r Pwyllgor hwn i eistedd ar y Panel Rhiant Corfforaethol o fis Mai 2013 – Mai 2014.

PENDERFYNWYD penodi'r Cynghorydd Dylan Rees fel Aelod i eistedd ar y Panel Rhiant Corfforaethol o mai 2013 – Mai 2014.

7 DYDDIAD Y CYFARFOD NESAF

Nodwyd – y bydd y cyfarfod nesaf o'r Pwyllgor hwn yn cael ei gynnal ddydd iau 25 Gorffennaf 2013 am 2pm.

EITEM YCHWANEGOL

Enwebu Aelodau ar y Byrddau Rhaglen.

Gofynnodd y Rheolwr Cynllunio Busnes a Rhaglen am enwebiadau i ddau o'r Byrddau Rhaglen.

PENDERFYNWYD enwebu'r Aelodau canlynol ar ddau Fwrdd Rhaglen :-

**Bwrdd Ynys Fenter – Y Cynghorwyr Derlwyn R. Hughes a Carwyn Jones
Bwrdd Rhagoriaeth Gwasanaeth – Y Cynghorydd Alun W. Mummery.**

Daeth y cyfarfod i ben am 3:00 pm

**Y CYNGHORYDD DELWYN R. HUGHES
CADEIRYDD**